

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

- 1 प्रधानमंत्री नरेंद्र मोदी होंरें भारत उर्जा सप्ताह 2025 दा वर्चुअल माध्यम राएं उद्घाटन करदे होई आखेआ जे भारत पैरिस समझौते दे लक्ष्य गी पूरा करने आहला पैहला मुख्य ऐ।
- 2 सेहत, शिक्षा ते राई-बाई च बदलाव आहिनएं ए.आई लक्खां बद्दे लोकें दे जीवन च सुधार आहनी सकदा ऐ। एह गल्ल प्रधानमंत्री होंरें पैरिस च ए.आई एक्शन समिट गी संबोधित करदे होई आक्खी।
- 3 जल शक्ति मंत्री जावेद राणा होंरें आखेआ जे जल जीवन मिशन केंद्र सरकार ते जम्मू-कश्मीर प्रशासन दी प्राथमिकता ऐ।
- 4 अखनूर सैक्टर च इक्क संदिग्ध आई.ई.डी धमाके च दो सुरक्षाकर्मी शहीद होए, तपाशी अभियान चला'रदा ऐ।
5. राष्ट्र विरोधी तत्वें आसेआ ड्रोन दा गलत इस्तेमाल नेई कीता जा। इस लेई डोडा प्रशासन नै ड्रोन पर 2 म्हीने दी पाबंदी लाई दिती ऐ।

<><><><><><>

PM-Energy Week

प्रधानमंत्री नरेंद्र मोदी होंरें आखेआ ऐ जे पिछले इक्क दाहके च भारत 10मीं थाहरा कोला बधिये 5मीं सब्भनें शा बड्डी अर्थ बवस्था बनी गेआ ऐ। प्रधानमंत्री होंरें अज्ज भारत उर्जा सप्ताह 2025 दे वर्चुअल माध्यम कन्नै उद्घाटन करदे होई एह गल्ल आक्खी। प्रधानमंत्री होंरें आखेआ जे भारत दी सौर उर्जा उत्पादन छमता पिछले 10एं बरें दौरान 32 गुणा बदी गेई ऐ जेदे कन्नै एह दुनिया दा त्रीया सब्भनें शा बड्डा सौर उर्जा उत्पादक देश बनी गेआ ऐ। उनें आखेआ जे भारत दी गैर जीवाश्म ईंधन उर्जा छमता त्रै गुणा बदी ऐ ते भारत पैरिस समझौते दे लक्ष्य गी हासल करने आहला पैहला जी-20 मुख्य ऐ।

<><><><><><>

PM-AI

प्रधानमंत्री नरेंद्र मोदी होंरें ए.आई एक्शन समिट च बोलदे होई आर्टिफिशल इंटेलीजेंस दी बदलाव आहली शक्ति गी उजागर कीता। प्रधानमंत्री होंरें इस शिखर सम्मेलन दे फ्रांस दे राष्ट्रपति इमैनुअल मैक्रों हुंदे कन्नै सह अध्यक्षता कीती। प्रधानमंत्री होंरें ए.आई दे राजनीति, आर्थिक, सुरक्षा ते समाज च आवा रदे बदलाव पर चर्चा कीती। उनें साइबर सुरक्षा, गलत सूचना ते डीफ फेक्स बारें सब्भनें गी जिम्मेदारी कन्नै किट्ठे रलिए जत्न करने पर जोर दिता। उनें भारत च 1.4 बिलियन लोकें लेई डिजिटल ढांचा तैयार करने दी भारत दी सफलता गी उजागर कीता। उनें ए.आई आधारित भविक्ख लेई हुनर ते उस हुनर गी परतिए होर निखारने दी जरूरता लेई निवेश दी बी गल्ल कीती। उनें सेहत, शिक्षा ते राई-बाई च ए.आई दी समर्थ गी बी उजागर कीता।

<><><><><><>

Doda-Drone

डोडा जिले च अगले 2 म्हीनें आस्तै ड्रोन दे इस्तेमाल ते उसी लेई जाने पर पाबंदी लाई दिती गई ऐ। एह गेंस राष्ट्र विरोधी तत्वे आसेआ ड्रोन दे गलत इस्तेमाल गी रोकने लेई पुट्टी गई ऐ। हालांकि पुलस ते होर दुए सुरक्षाबले गी इस पाबंदी थवां बाहर रक्खेआ गेआ ऐ। सरकारी मैहकमे, जेड़े नक्शे, सर्वे ते होर दुए अधिकारिक कम्मं लेई इंदा इस्तेमाल करदे न, उनेंगी एहदे लेई इजाजत लैनी होग। अतिरिक्त जिला मजिस्ट्रेट हों हिदायत कीती ऐ जे जेड़े बी लोक जिंदे कश ड्रोन हैन ओह नजदीकी पुलस स्टेशन च इक हफते दे अंदर-अंदर इनेंगी जमा करोआई देन। इस पाबंदी दा मकसद महत्वै आहली थाहरें दी ते मती अबादी आहली थाहरें दी सुरक्षा यकीनी बनाना ऐ।

<><><><><><>

CS-Broadband

जम्मू-कश्मीर च राष्ट्रीय ब्राडबैंक मिशन दी अमलावरी गी रफ्तार देने दे मकसद कन्ने मुख सचिव अटल डुल्लू हों सिविल सचिवालय श्रीनगर च 7मीं प्रदेश ब्राडबैंक कमेटी दी बैठक दी अध्यक्षता कीती। बैठक च बक्ख-बक्ख मैहकमे दे अधिकारी शामिल होए। इस दौरान केई प्रमुख मामले पर ध्यान केंद्रित कीता गेआ जियां 4-जी तगर सब्बनें दी पुज्ज 5-जी दी अमलावरी ते ब्राडबैंक नेट प्रोजेक्ट। बैठक दौरान मुख सचिव हों बक्ख-बक्ख मैहकमे बश्कार तालमेल पर जोर पाया तां जे अड़चनें गी दूर करिए लक्ष्ये गी हासल कीता जाई सके। उनें डिप्टी कमिशनरे गी आखेआ जे ओह थाहरें दी शिनाख्त करने, मोबाइल टावर लेई बिजली उपलब्ध करोआन।

<><><><><><>

Safar-Internet Day

सुरक्षित इंटरनेट ध्याड़े दे मौके पर जिला प्रशासन रामबन नै “Together for a better internet” विषे दे तैहत अज्ज इक्क साइबर सुरक्षा जागरूकता कार्जशाला दा आयोजन कीता। अडिशनल डिप्टी कमिशनर रामबन वरुणजीत सिंह चाढ़क हुंदी अध्यक्षता च कार्जशाला च संवेदनशील डाटा दी हिफाजत आस्तै महत्वपूर्ण साइबर सुरक्षा पैहलुएं पर ध्यान केंद्रित कीता गेआ। एहदे अलावा संभावित खतरें दी पंछान करने ते निवारक उपाएं गी लागू करने पर बी सोच-विचार कीता गेआ। रामबन जिले दे सब्बनें हायर सेकेंडरी स्कूले ते कालजे दे विद्यार्थिं ते शिक्षके दे कन्ने सरकारी अधिकारिये वर्चुअल तरीके कन्ने कार्जशाला च हिस्सा लैता। इस मौके पर मीडियाकर्मिये कन्ने गल्ल करदे होई रामबन दे अडिशनल डिप्टी कमिशनर वरुणजीत सिंह हों आखेआ।

<><><><><><>

Mushroom Cult Udh.

इक्क बड्डी उपलब्धि हासल करदे होई उधमपुर दे करसाने 25 ज्हार क्विंटल मशरूम दी पैदावार करिए 3 करोड़ 15 लक्ख रपे दा मालिया किट्ठा कीता ऐ। चला ‘रदी रूत अजे मार्च तोहड़ी मुक्कग ते मेद ऐ जे करसाने दी कमाई च होर बाद्दा होग। Mushroom Development Officer Ramban Vinod Gupta हों आखेआ जे मशरूम दी खेती, विशेष रूपे च महिलाएं ते बुजुर्गे लेई इक मुनाफे आहला उद्यम ऐ। उनें आखेआ।

तोआई, इक्क मकामी करसान भारत भूषण होंरें सरकारी मदाद लेई आभार प्रगट कीता ते होरनें करसानें गी मशरूम दी खेती अपनाने आस्तै आखेआ। उनें आखेआ।

<><><><><><>

PM Kissan Samman

करसानें दा समर्थन करने ते राई-बाई दे तौर-तरीकें च सुधार आस्तै, पी.एम किसान निधि योजना पूरे देश च महत्वपूर्ण असर पा 'रदी ऐ। इस योजना च करसानें गी 6 जहार रपे सलाना प्रदान कीते जंदे न। सलाना मिलने आहली इस मदाद गी 2 जहार रपे दी त्रै किशतें राहें बढ़ाया जंदा ऐ ते एह किशतां सिद्ध बैंक हस्तांतरण दे जरिए करसानें दे बैंक खातें च भेजी दित्ते जंदे न। उधमपुर जिले दे करसान, विशेष तौरा कन्नै कावा ग्रांस दे करसान इस योजना लेई आभार प्रकट करा 'रदे न। उंदा आखना ऐ जे इस योजना कन्नै उंदी आमदन च महत्वपूर्ण सुधार होआ ऐ। कावा ग्रांस दे इक करसान मोहम्मद इकबाल होंरें अपने अनुभव सांझा करदे होई आखेआ।

<><><><><><>